

釋

名

疏

證

補

釋名序

漢北海劉熙成國撰

熙以爲自古造化制器立象有物以來迄於近代或典禮所制
或出自民庶名號雅俗各方名殊

先謙曰吳校名作多云各本多誤名

聖人於時

就而弗改以成其器著於既往哲夫巧士以爲之名故興於其
用而不易其舊所以崇易簡省事功也夫名之於實各有義類

蘇輿曰文獻通考十八引義類作類義先謙曰吳校於作與

百姓日稱而不知其所以之意

蘇輿曰通考引以故撰天地陰陽四時邦國都鄙車服喪紀下

及民庶應用之器論敘指歸謂之釋名

蘇輿曰通考引無此八字作卽物名以釋義

凡二十七篇至於事類未能究備凡所不載亦欲智者以類求
之博物君子其於答難解惑王父幼孫朝夕侍問以塞

蘇輿曰此語不

全下有
可謂之士
蘇輿曰此
聊可省諸
奪文亦有奪文

釋名疏證補序

文字之興聲先而義後動植之物字多純聲此名無可釋者也外是則孳乳繁賾恠趣遷貿學者緣聲求義輒舉聲近之字爲釋取其明白易通而聲義皆定流求珥貳例啟於周公乾健坤順說暢於孔子仁者人也誼者宜也偏旁依聲以起訓刑者側也側者成也展轉積聲以求通此聲教之大凡也侵尋乎漢世間見於緯書韓嬰解詩班固輯論率用斯體宏闡經術許鄭高張之倫彌廣厥恠逮劉成國之釋名出以聲爲書遂爲經說之歸墟實亦儒門之奧鍵已隋唐以還稱引最夥流漑後學取重通人往往古義舊音展卷有會語其佳處尋繹靡窮雖官職致辨於韋昭食品見非於徐鍇諒爲小失無害宏綱亦有直解可

明而繁詞曲證良由主聲之作書體致然自說文離析形聲字有定義無假譬況功用大熯於是釋名流派漸微其言聲之學迺沿爲雙聲疊均而說文從聲之法亦生直音故吾以謂說文直音之肇祖而釋名者反切之統宗也舊本闕譌特甚得鎮洋畢氏校訂然後是書可讀長洲吳氏所槧顧千里校本是正亦多其中奧義微文未盡揮發端居多暇與湘潭王啟原葉德炯孫楷善化皮錫瑞平江蘇輿從弟先慎覆加詮釋決疑通滯歲月既積簡帙遂充因合畢氏元本參酌吳校及寶應成蓉鏡補證陽湖吳翊寅校議瑞安孫詒讓札遶甄錄尤雅萃爲斯編削刪甫成元和祝秉綱垂示胡許二君所校爲芟去重複別卷增末期以補靈巖之漏義闡北海之精心大雅宏達庶匡益之光

緒二十一年歲次乙未冬十二月長沙王先謙謹撰

釋名疏證畢序

劉熙釋名其目序云二十七篇案後漢書文苑傳劉珍字秋孫一名寶撰釋名三十篇以辯萬物之稱號而韋曜顏之推等皆云劉熙製釋名熙或作熹案三國吳志曜傳曜在獄中上辭有云見劉熙所作釋名信多佳者然物類眾多難得詳究故時有得失而爵位之事又有非是云云玩曜之語則熙之書吳末乃始流布是熙之去曜年代必當不遠一也舊本題安南太守劉熙撰近時校者以二漢無安南郡或云當作南安今考劉昭注續漢書稱三秦記曰中平五年分漢陽置南安郡元和郡縣志亦云漢靈帝立是郡置已在漢末二也此書釋州國篇有司州案魏志及晉書地理志魏以漢司隸所部河南河東河內宏農

并冀州之平陽合五郡置司州是建安以前無司州之名三也
又云西海郡海在其西據劉昭注則西海郡亦獻帝建安末立
其時去魏受禪不遠四也釋天等篇於光武列宗之諱均不避
五也以此而推則熙爲漢末或魏受禪以後之人無疑又自序
云二十七篇而文苑劉珍傳云三十篇篇目亦不甚懸遠疑此
書兆于劉珍踵成于熙至韋曜又補官職之缺也其書參校方
俗考合古今晰名物之殊辨典禮之異洵爲爾雅說文以後不
可少之書今分觀其所釋亦時有與爾雅說文諸書異者爾雅
曰齊曰營州而此云營州齊衛之地爾雅云石戴土謂之崔巍
土戴石爲岨而此依毛傳立文曰石戴土曰岨土戴石曰崔巍
正與相反是也說文錦从帛金聲凡爲聲者皆無義而此云錦


金也作之用功其價如金故其制字从帛與金是以諸聲之字爲會意又說文平土有叢木曰林而此云山中叢木爲林亦皆異義且其字體出說文外十之三益信熙之時去叔重已遠其聲讀輕重名物異同與安順前又迥別也暇日取羣經及史漢書注唐宋類書道釋二藏校之表其異同是正缺失又益以補遺及續釋名二卷凡三閱歲而成復屬吳縣江君聲審正之江君欲以篆書付刻余以此二十七篇內俗字較多故依前隸寫云所以仍昔賢之舊觀示來學以易曉也時乾隆五十四年歲在己酉九月朔日兵部尙書兼都察院右都御史總督湖北湖南等處地方軍務兼理糧餉加三級軍功加二級畢沅序

顧千里釋名略例

釋名之例可知也其例有二焉曰本字曰易字是也雖然猶有十焉曰本字曰疊本字曰本字而易字曰易字曰疊易字曰再易字曰轉易字曰省易字曰省疊易字曰易雙字本字者何也則冬曰上天其氣上騰與地絕也以上釋上如此之屬一也疊本字者何也則春曰蒼天陽氣始發色蒼蒼也以蒼蒼釋蒼如此之屬二也本字而易字者何也則宿宿也星各止宿其處也以止宿之宿釋星宿之宿如此之屬三也易字者何也則天顯也在上高顯也以顯釋天如此之屬四也疊易字者何也則雲猶云云眾盛意也以云云釋雲如此之屬五也再易字者何也則腹複也富也以複也富也再釋腹如此之屬六也轉易字者

何也則兄荒也荒大也以荒釋兄而以大轉釋荒如此之屬七也省易字者何也則綈似蜚蟲之色綠而澤也以蜚釋綈而省綈也之云如此之屬八也省疊易字者何也則夏曰昊天其氣布散晧晧也以晧晧釋昊而省猶晧晧之云如此之屬九也易雙字者何也則摩娑猶未殺也以未殺雙字釋摩娑雙字如此之屬十也十者非他也二例之分焉者也第二以上本字例分者二第四以下易字例分者七而有第三之一例半分於本字半分於易字者在其間以相關通然則易字之所由生固生於本字而已矣所謂易簡而天下之理得也讀者循是而一一求焉凡今本脫誤之當補正者無不可知也至於尤脫誤而非復能補正者亦無不可知也吳子志忠將治釋名屢咨其所難知

者於子故略舉本書以明其例書而貽之



釋名疏證補目錄

第一卷

釋天第一

釋地第二

釋山第三

釋水第四

釋土第五

釋道第六

第二卷

釋州國第七

釋形體第八

第三卷

釋姿容第九

釋長幼第十

釋親屬第十一

第四卷

釋言語第十二

釋飲食第十三

釋采帛第十四

釋首飾第十五

第五卷

釋衣服第十六

釋宮室第十七

第六卷

釋牀帳第十八

釋書契第十九

釋典藝第二十

第七卷

釋用器第二十一

釋樂器第二十二

釋兵第二十三

釋車第二十四

釋船第二十五

第八卷

釋疾病第二十六

釋喪制第二十七

附

續釋名

釋名補遺

疏證補增

釋名疏證補卷第一

長沙王先謙撰集

漢徵士北海劉熙撰

釋天第一

釋地第二

釋山第三

釋水第四

釋丘第五

釋道第六

釋天第一

天豫司究翼以舌腹言之

王啟原曰後漢都洛陽在司隸部孝獻都許在豫州部故此先言豫繼言

司尊時制也

天顯也在上高顯也

畢沅曰莊子釋文引作高顯在上也葉德炯曰此及下風字條均西

域字母之監屬字母顯之紐爲曉曉在喉音之大清等與天出於舌頭之透紐者爲音和音和者卽反切之遞用法也如莫六音切爲目徒紅音司爲司之例成國此書實韻書之鼻祖後不孫炎諸人乃愈推愈密也青徐以舌頭言之成替鏡三案今等韻家分牙舌頭舌上重唇輕唇齒頭正齒喉半舌半齒爲九音相傳來自西域隋書經籍志偶後漢佛法行

於中國得西域書能以十四字貫一切音謂之婆羅門書此即
唐僧守溫三十六字母之權輿然志初不云九音來自西域也
觀釋名已有舌腹舌頭橫口合唇蹶口開唇之云而高誘注戰
國策呂氏春秋淮南子諸書亦有所謂急舌急氣緩氣閉口開
口龍口者然則九音**天坦也**畢沅曰坦今本譌作垣玉篇爾雅
洵中國儒家之學矣**天坦也**釋文莊子釋文初學記御覽爾雅
疏皆引作坦據改葉德炯曰坦字與天同透字母透為舌頭音
之次清等緩讀為祈連漢書霍去病傳出北地至祈連山師古
注祈連即天山是也又為搏犁匈奴傳匈奴謂天為搏犁是也
連犁字母在舌齒音之來去舌頭音不遠此西域音之微變者
今國書譯為阿卜喀直唇音矣然古中土音讀舌頭者多白虎
通及釋天釋文引春秋說題詞云天之為言鎮也說文天顛也
禮月令疏引春秋說題詞天之為言顛也詩君子偕老疏引春
秋元命苞天之言顛均作舌頭音讀其作舌腹音讀者惟禮記
緇衣鄭注天當為先字之誤藝文類聚引白虎通天者身**坦然**
也一以天為先一以天為身及此以天為顛數音而已

高而遠也蘇輿曰釋天釋**春日蒼天陽氣始發色蒼蒼也夏日**

昊天其氣布散顛顛也畢沅曰顛今本作皓俗字也說文顛白

皮錫瑞曰釋名與爾雅皆作春蒼夏昊今尚書歐**秋曰旻天旻**
陽說與許君鄭君皆作春昊夏蒼蓋所據本異

閔也物就枯落可閔傷也冬曰上天其氣上騰與地絕也故月

令曰天氣上騰地氣下降

畢沅曰爾雅春爲蒼天夏爲昊天秋爲旻天冬爲上天李巡注春萬物始

生其色蒼蒼故曰蒼天夏萬物盛壯其氣昊大故曰昊天郭璞注旻猶愍也愍萬物凋落冬時無事在上臨下而已此兩家之說擇其義與此合者錄以參證焉王先慎曰五經異義引古尚書說云元氣廣大則稱昊天仁覆閔下則稱旻天自上監下則稱上天據遠視之蒼蒼然則稱蒼天此義與釋名同且先於李郭之說白虎通四時篇云四時天異名何天尊各據其盛者爲名也春秋物變盛冬夏氣變盛春日蒼天夏日昊天易謂之乾秋曰旻天冬日上天均與釋名義同亦先於郭李者
畢沅曰說卦乾天乾健也健行不息也畢沅曰易繫辭云夫乾也又曰乾爲天
行健君子以自彊不息又謂之玄玄縣也如縣物在上也畢沅曰玄者以色名之也易文
言曰天玄而地黃當非取縣義今本縣下加心俗王先慎曰說文玄幽遠也黑而有赤色者爲玄象幽而入覆之也釋親郭注玄者言親屬微昧也亦有幽遠意本書釋親玄孫玄縣也上縣於高祖最在下也即取遠義此縣字亦訓爲遠謂天在上遠於下也案問天玄紀文選東京賦注引廣雅云玄遠也淮南主術訓注縣遠也是玄縣古同訓遠

日實也

畢沅曰說文亦云王啟原曰開元占經五引春秋元命苞云日之爲言實也節也含一開度立節使物咸別故

謂之日言陽布散如一故其立字四合共一者爲日後漢書丁鴻傳鴻疏云臣聞日者陽精守實不虧是日之名義取於實故經傳或即以實爲日孝經故親生之膝下以養父母釋文云日者實也日日行孝故無闕也象日春秋傳王室實意意焉說文

引實**光明盛實也**

畢沅曰禮記月令正作日

月闕也

畢沅曰說文云月闕也十五稍減故曰闕也

滿則闕也

畢沅曰左傳正義引作滿而闕初學記御

覽引作言滿則復闕李善注文選月賦引作言有時盈有時闕也王先慎曰春秋元命苞白虎通月之爲言闕也王肅家語禮運篇月三五而盈三五而闕注月陰道不常滿故十五日而滿十五日而闕

光晃也晃晃然也

畢沅曰說文晃明也从日光光亦聲先謙曰本書釋采帛云黃晃也晃晃然猶日光色也

亦與此

證合 亦言廣也所照廣遠也

王先慎曰詩敬之傳光廣也卽成國所本說文廣从广黃聲黃

从田从艹艹亦聲艹古文光光廣古通

景竟也所照處有竟限也

先謙曰吳校本竟作境所上有明字畢沅云俗書竟字加土傍非也成容

鏡云案畢氏序定劉成國爲漢末魏初人錢氏大昕辛楣則據吳志程秉辭綜韋曜諸傳以爲漢末名士建安避地交州故其書行於吳攷永和四年所立張平子碑自涉境以經於諸邑初平五年所立周公禮殿記節符典境皆有境字是漢季此字已通行成國撰釋名作境當是依俗爲之此類甚多畢校開用說文改正而江氏所書篆本尤夥雖究六書之指然已失成國本來面目矣於例當仍其舊而注其下云某古祇作某

晷規也如規畫也

王先慎曰晷規疊韻易通卦驗冬至之日樹八尺之表日中視其晷之如度者則歲美人

民和順晷不如度者則其歲惡人民爲譌言政令爲之不平是晷所以爲度規卽象晷以成度義亦通周語注規規畫而有之曜畢沅曰說文無曜

曜也光明照耀也

畢沅曰曜从火今本从光係俗字

星散也列位布散也

畢沅曰禮記月令正義引作星散也布散於天王啟原曰案春秋文耀鉤云北斗七

星上爲九州感精符云地爲山川山川之精上爲列星各應其州域分野所謂列位也皮錫瑞曰爾雅祭星曰布郭注布散祭於地史記天官書曰星者金之散氣注五星五行之精眾星列布別居錯行各有所屬是星有陳列布散之義故祭星曰布埤雅二十引釋名云祭星曰布布取其象之布也今無此文蓋脫佚

宿畢沅曰息袖反宿也星各止宿其處也畢沅曰一切經音義引作言星各止住其

所也御覽引

氣畢沅曰當作氣今經也懽然有聲而無形也畢沅曰懽今

引作猶懽也案說文米部懽乃氣字重文氣饋客芻米也非此
處義心部云懽太息也詩曰懽我寤歎然則此當作懽今从御
覽改正王啟原曰吳本懽也作錄也蘇輿曰禮祭義出戶而聽
懽然必有聞乎其太息之聲亦有聲無形之義又云氣也者神

之盛也氣筦
於神故無形

風充豫司冀橫口合唇言之王啟原曰吳校作豫司充冀又云

首條天下例之吳風汜也葉德炯曰橫口合唇言之此西域之

校豫司在上是之凡凡之字母為並重唇音中之全濁等也今音讀如汎彼柏

舟之汎汎之字母為敷為輕唇音之次清等與風之字母為非
為輕唇音之全清等者同一紐也然則充豫其氣博汎而動物

司冀之間直讀汎如凡非今作本音讀比矣其氣博汎而動物
也青徐言風蹠口開唇推氣言之王啟原曰吳校刪言風二字

葉德炯曰蹠口開唇推氣言

之此西域之輕唇音法也放之字母爲非與風同紐在輕唇音
中又同爲全清等合上文天字驗之是古青徐之音較充豫司
冀之間爲風放也氣放散也畢沅曰李善注文選風賦引作風
輕清矣放也動氣放發皮錫瑞曰後漢書樂成靖王傳安帝詔曰風注
於家風淫謂放淫也風放聲相近左傳四年傳風馬牛不相及
也服虔注風放也公羊傳三十一年傳疏引孫炎爾雅注云既祭披磔其牲似風散也是風又有散義
陰陰也氣在內與陰也書王先慎曰陰陰字通書洪範馬融注漢
宛也宛屈艸自覆也覆而在內故其氣與陰春秋繁露云鶴無
宛氣鶴爲陽禽故無宛氣先謙曰本書釋形體亦云陰陰也
陽揚也氣在外發揚也畢沅曰禮記月令正義御覽引皆氣字
燎之方揚漢書谷永傳作陽春秋昭二十一年傳宋揚門禮記
檀弓云陽門玉藻盛氣顙實揚休注讀爲陽此皆陽揚通用之
證

寒扞也扞格也畢沅曰今本扞作捍俗字也禮記學記扞格而
則當作扞格讀當爲扞格王啟原曰吳校本扞格
也上補一氣字下條熱如煮物也上亦補一氣字

暑煮也熱如煮物也

先謙曰唐王維詩長安客舍熱如煮宋文同詩六月久不雨萬物蒸煮熟本此暑煮

疊韻

熱熱也

王啟原曰吳校於熱熱也上補亦曰熱三字聯上為一條

如火所燒熱也

畢沅曰御覽引熱在

暑一條前有或曰二字為聯合今案經典俱以寒暑相配成文鮮有言寒熱者御覽以熱為目故移易此書以就之今不从又所字御覽亦引作之王啟原曰呂氏春秋湯時大旱七年煎沙爛石淮南子或熱焦沙或寒凝水春秋繁露為寒則凝冰裂地為熱則焦沙爛石即如火燒熱之義

雨羽也

王啟原曰周語故長夷則之上宮名之曰羽韋注羽翼其眾也則五音之羽取鳥羽之義繁露五行五事云雨

者水氣也其音羽也說文霽水音也霽即五音之羽本字音為羽舞之羽月令大雩帝注雩嗟求雨之祭也說文雩夏祭舞於赤帝以祈甘雨也从雨亏聲雩或从羽雩羽舞也則雩為雩羽舞亦可為雩是即雨羽通用之證如鳥羽動則散也雨水從雲下也
張荔生曰雨水六字當在雨羽也上與珥氣在日雨旁之名也珥耳也言似人耳之

在雨旁也一例雨者輔也言輔時生養也

畢沅曰自雨水從雲下以下今本無之初學記御覽引皆

有據補說文云雨水從雲下也一象天門象雲水露其間也案此條當與霜露雪霰等為類不應在此上言熱疑必有冷一條為之配後人因文脫遂移此以補之而亦文不能全此痕迹之不能盡掩者也先謙曰雨水至養也吳校本無

春蠢也萬物蠢然而生也

畢沅曰今本作春蠢也動而生也藝文類聚引作春之為言蠢也物蠢而

生御覽引作春之言蠢也萬物蠢然而生據改禮記鄉飲酒義曰春之為言蠢也產萬物者聖也鄭注蠢動生之貌也聖之言生也皮錫瑞曰漢書律歷志春蠢也物蠢生迺動運春秋元命包云春含名蠢位東方動春明達達注春之言蠢東之言動含此名以自明自達也春秋繁露云春之猶言僭僭者喜樂之貌蘇輿曰玉燭寶典引作春蠢也蠢動而生也春秋說題辭春蠢與也與生義相成尚書大傳春出也萬物之出也春出雙聲出亦生也

夏假也寬假萬物使生長也

畢沅曰假當作段吉下反假之言至音工白反今經典皆通用無別

矣鄉飲酒義云夏之為言假也養之長之假之仁也尚書大傳曰夏者假也吁荼萬物而養之外也皮錫瑞曰律志夏假也物假大乃宣平

秋緒也緒迫品物使時成也

畢沅曰御覽引作秋者緒也緒迫萬物使得時成也文選秋興賦注

引作秋就也言萬物就成也義與此異不敢據改姑存以備攷而已鄉飲酒義曰秋之爲言愁也愁之以時察守義者也鄭注愁讀爲摯摯斂也案摯與緒音義皆相近皮錫瑞曰律志秋斂也物斂斂乃成就春秋繁露秋之爲言猶湫湫者憂悲之狀三禮義宗曰七月立秋秋之言摯縮之意先謙曰說文迺迫也或从苜荀子議兵篇緒之以刑罰彊國篇大燕緒吾後緒亦謂迫也緒緒皆道借字

冬終也物終成也

畢沅曰吳淑事類賦注引作萬物所以終成也御覽引與此同說文云冬四時盡也从欠

完完古文終皮錫瑞曰律志冬終也物終藏乃可稱三禮義宗冬終也立冬之時萬物終成尸子曰冬爲信北方爲冬冬終也蘇輿曰鄉飲酒義冬之爲言中也中者藏也

四時四方各一時

畢沅曰鄉飲酒義曰東方者春南方者夏西方者秋北方者冬故曰四方各一時葉德嫺

曰御覽歲時部二引爾雅曰維楊時空也司空主地各主一方物之生死今爾雅無此文蓋爾雅舊注也**時期也物**

之生死各應節期而止也

畢沅曰逸周書周月解云萬物春生夏長秋收冬藏又時訓解云雨水之

日桃始華穀雨桐始華清明洋始生立夏十日王瓜生小滿之日苦菜秀又五日靡草死芒種蟪蛄生夏至十日半夏生明堂

月令所記物候並同是各應節期而止也御覽引時期下云不
失期也無下十一字今不從止似當為至葉德炯曰白虎通云
時者期也陰陽
消息之期也

歲越也越故限也

王啟原曰說文歲木星也越歷二十八宿宣
偏陰陽十二月一次从步戌聲律歷書名五

星為五步爾雅釋天夏曰歲孫炎曰歲取歲星行一次也歲从
戌不从戌言越者蓋取越歷之義歲行一次十二年而星終一
周天矣歲行一次
僅越故限而已**年進也進而前也唐虞曰載載生物也殷曰**

祀祀已也新氣升故氣已也

畢沅曰今年進也進而前也七
字列於歲越也之前別為一條據

御覽引并入於歲下爾雅曰夏曰歲商曰祀周曰年唐虞曰載
茲不言夏周文不備王啟原曰吳本年進也以下七字在歲越
前也

五行者五氣也

王啟原曰吳
校刪者字

於其方各施行也

畢沅曰御覽引
五氣上有言字

無下也字今不從即如所引亦當上先有五氣也方順王啟原
曰案繁露五行之義篇五行之隨各如其序五行之官各致其
能是故木居東方而主春氣火居南方而主夏氣金居西方而
主秋氣水居北方而主冬氣土者五行之主五行之主土氣也

漢書藝文志亦云五行者五常之形氣也

金禁也氣剛毅能禁制物也

畢沅曰今本作其氣剛嚴能禁制也據御覽引改白虎通云金在西

方西方者陰始起萬物禁止金之為言禁也先謙曰吳校無物字

木冒也華葉自覆冒也

畢沅曰冒有兩義上覆下為冒下觸上亦為冒此當為下觸上之義說文木冒

也冒地而生東方之行从艸下象其根白虎通云木之為言觸也陽氣動躍觸地而出也皆下觸上之義

水準也準平物也

畢沅曰御覽引作平準物也白虎通云水之為言準也養物平均有準則也說文水準也

案攷工記辨人云朝注則利準又栗氏云權之然後準之故書準輒作水然則水不徒取準義可直用以為準字

火化也消化物也

畢沅曰據說文此當用變七之七不當用教化字然經典通用已久故不改白虎通火之

為言化也陽氣用事萬物變化也

亦言毀也物入中皆毀壞也

畢沅曰藝文類聚御覽引中皆

作即說文火燬也案毀燬音皆近火蘇輿曰春秋元命包火之為言委隨也案委隨即毀之合音

土吐也能吐生萬物也

畢沅曰廣韻引無能字生字白虎通土主吐含萬物土之為言吐也說文土地

之吐生萬物者也二象地之下地之中一物出形也皮錫瑞曰春秋元命包土之爲言吐也言子成父道吐也鄭注周禮云土猶吐也

子孳也陽氣始萌孳生於下也

畢沅曰白虎通子者孳也史記律書子者滋也滋者言萬物滋

於下也滋與孳通漢書律志孳萌於子

於易爲坎

畢沅曰說卦坎者水也正坎險

也

畢沅曰彖傳習坎重險也蘇輿曰以上乾健也下艮限也各條例之此下應言其義當有尊文

丑紐也寒氣自屈紐也

畢沅曰律書丑者紐也言陰氣在上未降萬物厄紐未敢出白虎通丑者紐也

漢志紐牙於丑說文丑紐也

於易爲艮

畢沅曰說卦艮東北之卦也東北丑位也

艮限也時未可

聽物生限止之也

畢沅曰彖傳艮止也王先慎曰限與很義通易艮卦鄭注艮之言很也一陽在上二陰在下陽君陰臣不相與通說文很不聽從也竝與時未可聽物生

義近又說文很下云一曰行難也限下云阻也行難卽阻難故

高誘注秦策云限難也直以難訓限與此限止義合易艮其限釋文引馬注限要也又虞注要帶處也此別一義

寅演也演生物也

畢沅曰白虎通少陽見於寅寅者演也義與此同律書寅言萬物始生蟄然也律志引達

於寅說文寅讀也正月陽氣動去黃泉欲上出陰尚彊也象山不達顓臾於下也三者義各不同備存以廣異說

卯冒也載冒土而出也

畢沅曰律志冒萌於卯說文卯冒也二月萬物冒地而出象開門之形義皆與

此同律書卯之為言茂也言萬物茂也白虎通卯者茂也案茂雖與冒異義而音則亦近卯

於易為震畢沅曰說

卦震東方也

二月之時雷始震也

畢沅曰明堂月令仲春東乃卯位也

辰伸也物皆伸舒而出也

畢沅曰伸之義訓孤而無據當謂震為安白虎通辰者言萬物之娠也律志

三月陽氣動雷電振民農時也律書辰者言萬物之娠也律志振美於辰娠振皆與震通王啟原曰爾雅太歲在辰曰執徐釋

文引李巡曰執蟄也徐舒也言蟄物皆敷舒而出故曰執徐開元占經引孫炎曰句者必達蟄伏之物盡敷舒也高誘淮南天

文注云執蟄徐舒伏蟄之物皆散舒而出李在成國前高同時孫稍後說略相近則成國說亦不誤

巳巳也陽氣畢布巳也

畢沅曰律書巳者言陽氣之巳盡也律志巳盛於巳說文巳巳也四月陽氣已

出陰氣已藏萬物見成文章故巳為蛇象形

於易為巽

畢沅曰

白虎通巳者物必起必與畢通畢起言盡起

巽也从艸頭聲此易巽卦為長女為風者今

易止作巽說卦巽東南也東南辰巳之閒也

巽散也物皆生布

散也

王啟原曰巽為風說卦風以散之故曰巽散也

午午也陰氣從下上與陽相忤逆也

畢沅曰忤俗字當作悟說文午悟也五月陰氣午

陽冒地而出也又云悟並也从午吾聲律志巽布於午巽亦悟並之意也律書午者陰陽交故曰午案午有交午之義故云蘇與曰白虎通壯盛於午午物滿長義於易為離
畢沅曰說卦離稍別據律志巽即還還連同觀王
畢沅曰序卦物皆附麗陽氣以茂也
離麗也離者麗也

未昧也日中則吳向幽昧也

畢沅曰言日中則吳是專就一日午後言之義殊未的律志昧夔於

未其失同也律書未者言萬物皆成有滋味也白虎通未昧也說文未昧也六月滋味也五行木老於未象木重枝葉也說皆精確案坤貞於六月未不云於易為坤者見後釋地篇蘇與曰易豐象云日中則吳月盈則食天地盈虛與時消息公羊疏二十六引鄭康成云言皆有休已無常盛也王弼注施於未足則常豐施於已盈則方溢不可以為常正義盛必有衰自然常理日中至盛過中則吳月滿則盈過盈則食釋名此語蓋用易義為比例之詞以申昧字之旨言物理無常盛極將衰如日將旦漸向幽昧漢志言昧夔亦即此義畢說似非淮南天文訓云未者昧也玉燭寶典引詩汜歷樞云未者昧也昧者盛也別一

義

精一

申身也

畢沅曰白虎通少陰見於申申者身也

物皆成其身體各申束之使備成

也

畢沅曰說文申神也七月陰氣成體自申束从日自持也王啟原曰吳校身體下補也亦言三字

酉秀也秀者物皆成也

畢沅曰律書酉者萬物之老也白虎通酉者老也律志畱孰於酉說文酉就也

八月黍成可爲酎酒諸說不同其義皆是秀老畱就皆與酉聲

叶王啟原曰吳校秀者作秀則王先慎曰秀華美意論語苗而不秀者有矣夫秀而不實者有矣夫月令秀草不實昔人無訓

秀爲成實義詩毛傳不榮而實謂之秀釋草無不字作榮而實

日秀覲釋成國沿之訓爲物成恐非葉德炯曰

說文酉爲秋門秋者西方之行故於易爲兌也

於易爲兌兌說

也物得備足皆喜說也

畢沅曰說卦說言乎兌又曰兌正秋也萬物之所說也故曰說言乎兌

戌恤也物當收斂矜恤之也

畢沅曰律書白虎通說文皆說戌爲減與恤義不合惟律志云畢入

於戌則有收恤之義蘇輿曰下云脫落卽減

亦言脫也落也

王

之意成國蓋以爲旁義凡云亦言者竝同

原曰吳校落也

上補物脫二字

亥核也收藏百物核取其好惡真偽也

葉德炯曰爾雅太歲在亥曰大淵獻開元占經

引李巡注言萬物落於亥大小深藏屈近陽故曰淵獻又孫炎注淵深也大獻萬物於深謂蓋藏之於外也

亦言物

成皆堅核也

畢沅曰律書亥者該也言陽氣藏於下故該也律志該闕於亥白虎通亥者核也說文亥芟也該核

芟音義皆同似勝核也之訓

甲孚甲也

畢沅曰今本作孚也从段校本增甲字王啟原曰吳校作甲甲也

萬物解孚甲而生

也

畢沅曰事類賦注引作甲者萬物孚甲種類分也周易彖傳雷雨作而百果草木皆甲坼鄭康成云皆讀爲人倦解之解

說文甲位東方之孟陽氣萌動从木戴孚甲之象蘇輿曰律書甲者萬物剖孚甲而出也剖亦有解義白虎通甲者萬物孚甲也

乙軋也自抽軋而出也

畢沅曰律書乙者言萬物生軋軋也律志奮軋於乙說文乙象春草木冤曲而

出陰氣尙彊其出乙乙也

丙炳也物生炳然皆著見也

畢沅曰律書丙者言陽道著明故曰丙律志明炳於丙說文丙位南

方也萬物
成炳然

丁壯也物體皆丁壯也

畢沅曰一切經音義三引皆作丁壯也言物體皆壯健也夏時萬物丁成實也

律書丁者言萬物之丁壯也故曰丁說文丁夏時萬物皆丁壯成實王啟原曰吳校作丁寧之合聲是丁與鉦音近故陸氏釋文丁古音讀如打鉦者丁寧之合聲是丁與鉦音近故陸氏釋文亦以丁丈切長自廣韻十三耕丁中塵切詩曰伐木丁丁十五青丁當經切當也亦辰名分而爲二於是學者遂以中塵一音專屬之伐木聲矣蘇輿曰白虎通丁者強也廣雅釋詁同強壯同義玉燭寶典引詩汜歷樞丁者亭宋均云亭猶止陽氣著止而止也別一義

戊茂也物皆茂盛也

畢沅曰白虎通戊者茂也律志豐楙於戊林茂音義同鄭康成注禮記月令云戊之言茂也蘇輿曰玉燭寶典引詩汜歷樞戊者質也陰賢陽柔

變剛也質亦同聲字說文戊中宮也象五龍六甲相拘絞也

己紀也皆有定形可紀識也

畢沅曰律志理紀於己白虎通己者抑屈起疑文有脫誤蘇輿曰玉

燭寶典引元命苞己者抑詘而起與白虎通同說文己中宮也象萬物辟藏詘形也

庚猶更也

畢沅曰猶字疑衍律志敘更於庚鄭注月令云庚之言更也

庚堅強貌也

畢沅曰說文庚

位西方象秋時萬物庚庚有實也是堅強之貌王啟原曰吳校作庚猶更更堅強貌也蘇輿曰玉燭寶典引元命苞庚者物色更與此訓合

辛新也物初新者皆收成也

畢沅曰律志悉新於辛鄭注月令曰辛之言新也蘇輿曰玉燭寶典

引元命苞辛者陰治成始始與收成義亦近

壬妊也陰陽交物懷妊也至于而萌也

畢沅曰律志懷任於壬說文壬位北方也陰極

陽生故易曰龍戰于野戰者接也象人懷妊之形承亥壬以子生之敘也王啟原曰吳校至于上刑也字蘇輿曰玉燭寶典引元命苞壬者陰始任宋均云壬始任育鄭注月令壬之言任也任妊同

癸揆也揆度而生乃出土也

畢沅曰律書癸之爲言揆也言萬物可揆度故曰癸律志陳揆於癸

白虎通癸者揆度也鄭注月令曰癸之言揆也說文作癸云冬時水土平可揆度象水從四方流入地中形也籀文作癸从艸矢聲王啟原曰呂本出土作出之蘇輿曰玉燭寶典引元命苞癸者有度可揆釋宋均云至癸萌漸欲生可揆尋繹而知霜喪也其氣慘毒物皆喪也
畢沅曰說文霜喪也白虎通霜之爲言亡也

露慮也覆慮物也

皮錫瑞曰覆慮蓋古語亦謂之覆露漢書晁錯傳覆露萬民嚴助傳陛下垂德惠以覆露

之淮南子時則篇包裹覆露皆以覆露連文即覆慮也慮露一聲之轉孫詒讓曰釋宮室云慮慮也取自覆慮也

雪綏也水下遇寒氣而凝

畢沅曰說文凝作冰水堅也俗冰从疑今此用俗字文選雪賦注引綏作

綏亦俗字集韻與綏通用綏綏然也

畢沅曰文選注初學記廣韻御覽皆引作水下遇寒而凝綏綏然下也

霰星也冰雪相搏如星而散也

畢沅曰水御覽引作冰不從搏本或作搏鄭箋類弁詩云將大

雨雪始必微溫雪自上下遇溫氣而搏謂之霰詩釋文云搏徒端反然則此當作搏王啟原曰吳校星也下有散也二字

霰霖小雨也

畢沅曰詩信南山云益之言裁霰歷霑漬如人沐以霰霖毛傳卜雨曰霰霖

頭惟及其上枝而根不濡也

畢沅曰埤雅引如人之沐惟及其上支而已今此作沐頭似出後人

所改張荔生曰郝氏蘭泉謂霰霖雙聲轉為溟濛案亦謂之溟

沐太元少密百溟沐亦謂之溟濛潘尼苦雨賦始濛濛而徐墜

觀初學霰霖溟濛溟沐濛濛並聲之轉沈約見庭雨應詔詩霰霖裁欲垂霏微不能注

視釋名為優王啟原曰吳校下霰字作脈

雲猶云云眾盛意也

畢沅曰呂氏春秋園道篇雲氣西行云云然說文云古文雲蘇輿曰御覽天部八引

無意又言運也

孫楷曰管子戒篇四時雲下注云運也初學記引春秋說題辭云雲之為言運也動陰路觸石

而起謂之雲合陽而起以精運行也

畢沅曰案御覽引有霞一條云霞白雲映日光而成

赤色假日之赤光而成也故字从段遐聲似應在此下今書無之姑附見於此王啟原曰吳校作若運行也

雷碩也如轉物有所碩雷之聲也

畢沅曰碩御覽音郎說文云碩石聲也从石良聲王啟原

曰吳校作雷雷也

電殄也言乍見即殄滅也

畢沅曰今本無言字又即作則據一切經音義引增改蘇輿曰御覽天部

十三引亦無言字即作則

震戰也

王啟原曰易繫辭震无咎者鄭注震懼也戰兢之戰亦懼也先謙曰震戰雙聲字

所擊輒破若

攻戰也又曰辟歷

畢沅曰字當作劈歷說文震劈歷振物者

辟析也所歷皆破析也

畢沅曰今本析皆作折據義當作析說文劈破也成蓉鏡曰辟歷五引龍韻十劈歷說文輔注方羣靈文難釋並疊韻字成

歷皆破析也亦總申辟歷之義承析字言之御覽天部十三引

正作辟歷析也雖字不同而無辟字成疑其義近鑿不知辟本

衍字也又御覽無所歷下六字霹歷析也句在震戰也三句上

雹跑也畢沅曰今本跑作砲據一切經音義引作跑音蒲學切其所中物皆摧折如人所

蹴跑也畢沅曰蹴跑本皆作盛砲亦據一切經音義改玉篇跑

形近遂蒲篤切蹴也則蹴跑二字不誤矣御覽蹴作蹙後又因

謫爲盛

虹陽氣之動也畢沅曰今本脫此句據虹攻也純陽攻陰氣也

畢沅曰春秋元命苞陰陽交爲虹蜺又曰蜺蜺其見每於日在西而見於東噉飲

東方之水氣也畢沅曰詩曰蜺蜺在東蔡邕月令章句曰虹見

見太陰亦不見見輒與日相互率以日西見於東方皮錫瑞曰

蜺蜺雙聲字成國義亦近鑿葉德炯曰藝文類聚天部下引黃

帝占軍訣云攻城有虹從外南方入飲城中者從虹攻之勝初

學記天部下引劉敬叔異苑曰晉陵辟願義熙初有虹飲其釜

須臾翕響便竭此虹能飲之證說文見於西方曰升朝日始升

虹蜺蜺也狀似蟲似蟲則能飲水也

而出見也

畢沅曰詩曰朝蹕于西毛傳蹕升鄭箋朝有升氣於西方

又曰美人

畢沅曰藝文類聚引作夫

人謠也郭璞爾雅注云俗名爲美人虹異苑曰古語有之曰陰古者有夫妻荒年菜食而死俱化成青虹故俗呼爲美人虹

陽不和婚姻錯亂淫風流行男美於女女美於男互相奔隨之

時畢沅曰互今本謬作恆藝文類聚引作男女互相奔隨之時茲據改恆从互餘不據改王啟原曰吳校之時上補於人二字

則此氣盛畢沅曰毛詩蝦蟇傳夫婦過禮則虹氣盛月令章句夫陰陽不和婚姻失序卽生此氣故以

其盛時名之也

霓鬻也

皮錫瑞曰說文隍班固說不安也周書曰邦之隍隍讀若虹蜺之蜺五結切梁書王筠傳沈約作郊居賦示筠筠讀至雌霓蜺的連跪約舞掌欣抃曰僕嘗恐人呼爲霓蜺

是霓古讀入聲與鬻音近王先慎曰漢書天文志抱蜺蜺如

消曰蜺讀曰鬻是二字古音本同其體斷絕見於非時此災氣也傷害於物如

有所食鬻也

王啟原曰吳校食鬻作蝕鬻下日月虧曰食及如食皆同吳朔寅曰說文蝕敗創也上言傷害於

物則作蝕爲是

暈

畢沅曰說文暈光也。不作暈。周禮既祿掌十輝之法。鄭司農云。輝謂日光氣也。據此似當作輝。葉德炯曰。呂覽高誘注。暈

讀如君國子民之君氣。圍繞日周。而有似軍營相圍守。故曰暈。

也。又淮南子作運。注一曰運。讀如連圖之圖。運者軍也。有軍事

相圍守。則月運出也。此日月俱暈之證。暈軍疊韻。暈捲雙聲。蘇

與曰。天官書兩軍相當曰暈。集解如消曰。暈讀曰運。則暈有運

音。開元占經引石氏云。日旁有捲也。氣在外捲結之也。畢沅曰。說文捲

氣員而周。而內赤外青為暈。也。收日月俱然。吳翊寅曰。此條當在

也。畢沅曰。說文霧雲覆日也。從雲。今而風曰暄。畢沅曰。爾雅亦

陰。畢沅曰。說文霧雲覆日也。從雲。今而風曰暄。畢沅曰。爾雅亦

聲。古文省作雲。今經典通用陰。而風曰暄。畢沅曰。爾雅亦

暄。毛傳暄翳也。言雲氣掩翳日光使不明也。畢沅曰。今本及北

義亦同。暄翳也。言雲氣掩翳日光使不明也。畢沅曰。今本及北

氣二字。據一切經音義引增。先謙曰。吳校無雲氣二字。

風而雨土曰霾。畢沅曰。北堂書鈔引脫雨字。御覽引無此句。爾

雅風而雨土為霾。詩云終風且霾。毛傳霾雨土

也。霾晦也。言如物塵晦之色也。

珥氣在日兩旁之名也。珥耳也。言似人耳之在兩旁也。畢沅曰。今本作

珥氣在日兩旁之名也。珥耳也。言似人耳之在兩旁也。畢沅曰。今本作

在面旁據御覽引改王先慎曰呂氏春秋明理篇高注珥日旁之危氣也在上內向爲冠兩旁內向爲珥開元占經日占篇引石氏云日兩旁有氣短小青赤名爲珥蘇輿曰說文珥从玉耳耳亦聲則珥耳同聲字文選七發注引倉頡云珥珠在耳也續漢輿服志亦云珥耳璫垂珠也蓋珥本從耳取聲義故凡在耳兩旁者謂之珥引申爲氣在日兩旁之名成國此義最塢漢書天文志抱珥蜺蜺注引孟康云珥形點黑也又引如淳云凡氣食日上爲冠爲戴在旁直對爲珥

日月虧曰食

書韋昭注虧毀曰蝕食取借稍稍侵虧如蟲食草木葉也成蓉鏡曰

案日食者月掩之月食者地影隔之也成國云如蟲食葉比例未確

朧月未成明也

畢沅曰說文霸月始生霸然也承大月二日承小月三日从月羣聲周書曰哉生霸晦月盡之名也

上三句今本脫
據初學記引補

啟原曰膾每聲膾亦每聲易咸其膾虞翻曰夾脊肉也禮記內則取牛羊麋鹿麇之肉必肱注脊側肉也是膾肱一字言灰亦

非無據匪第晦
朔月初之名也畢沅曰今本脫此朔蘇也月死

復蘇生也月一日始蘇也弦月半之名也其形一旁曲一旁直

若張弓施弦也畢沅曰北堂書鈔藝文類聚初學記御覽引皆無施字皮錫瑞曰詩天保如月之恆傳恆弦正

義曰集注定本絙字作恆釋文恆本亦作絙同說文恆古文作

亟从月引詩如月之恆白孔六帖引詩作如月之絙考工記工

人恆角而短鄭司農云恆讀為契絙之絙楚辭九歌絙瑟兮望

交鼓注絙急張弦也葉德炯曰文選注二十九引有施字望

月滿之名也月大十六日小十五日日在東月在西遙相望也

畢沅曰初學記引作望月滿之名也日月遙相望也簡括勝此原文說文望月滿也與日相望呂朝君从臣从月从王王朝廷

也成蓉鏡曰案此經望也若以定望推之則亦有十七日望者

葉德炯曰文選二十九李陵與蘇武書注引小十五日小上有

月字又鮑明遠說月城西門廡中注引亦有月字此當據補

昏損也陽精損滅也葉德炯曰說文昏日冥也从日氏省氏者

下也一日民聲文選新刻漏銘注引五經要義昏闇也日入後漏三刻為昏據此則昏為日入

古訓曰者太陽之精日入故陽氣損滅而為昏也

晨畢沅曰說文晨早昧爽也从日辰伸也旦而日光復伸見也

晨从晶或省作晨然則晨是本字

言其清旦日光復伸見也

見赤黑之視

氛粉也潤氣著草木因寒凍凝色白若粉之形也

畢沅曰一切經音義引作因冷則凝色白若粉也王啟原曰晉書天文志雜氣猛將之氣或白如粉沸軍勝之氣或如埃塵粉沸伏兵或白氣粉沸氣有

五色茲以諧音單舉粉白以該其餘

霧冒也氣蒙亂覆冒物也

畢沅曰初學記廣韻俱引作氣蒙冒覆地之物也事類賦注引作氣蒙冒似此為後人節去王啟原曰初學記一御覽十五引春秋元命

苞云霧陰陽之氣也陰陽怒而為風亂而為霧氣蒙冒覆地之物也晉書天文志霧者眾邪之氣陰來冒陽

蒙日光不明蒙蒙然也

畢沅曰書洪範龜兆其一曰蒙蒙本作蒙正義引鄭注云雲氣澤鬱鬱冥冥也

此似當云彗蒙也但漢書五行志及京房傳亦但言彗氣不增亦可孔傳云彗陰闇案此條今本皆連上文非今改提行起
彗星光稍似彗也
畢沅曰一切經音義兩引皆作彗星星光稍
字 稍似彗也王啟原曰吳校彗星下亦補一星

字星星旁氣字字然也

畢沅曰一切經音義引作言其字字然

北斗昭十七年有星字于大辰哀十三年有星字于東方公羊
三發傳皆云字者何彗星也成蓉鏡曰御覽七引天文錄曰芒
氣四出曰字字謂字字然也王啟原曰漢書五行志字者惡氣
之所生也謂之字者言其字字有所妨蔽闇亂不明之兒也蘇
輿曰開元占經引齊穎云字芒短其光四出蓬蓬字字也彗見
其光芒長寒如掃彗又引董仲舒云字星彗星之屬也芒徧指
曰彗芒氣四出曰字論語色勃如也說文引勃作字字勃通字
字猶言勃勃矣穀梁文十四年傳字之爲言猶弗也字弗亦同
字聲

筆星星氣有一枝末銳似筆也

成蓉鏡曰案史記天官書謂之

蓋據索隱引釋名此條語也然天官書云昭明星大而無角乍
上乍下漢志同開元占經引巫咸云西方有星大而白有角自

下視名曰昭明雖有無角有角之異與此實不相類索隱誤證此與彗字流爲一類疑亦妖星之屬天文志言彗字飛流皆志自下而升曰飛此或飛星之異名自下而升其氣直上有似筆形故取名焉昭明乃常星廁之於此則不類矣

流星星轉行如流水也

王先慎曰天文志彗字飛流孟康注流光迹相連也

枉矢齊魯謂光景爲枉矢

畢沅曰光景二字疑流星之譌火記天官書云枉矢類大流星蛇行而蒼

黑望之如有毛羽然據此枉矢亦流星之類流字脫水旁而爲流類光字景與星皆从日由是譌爲光景與

言其光

行若射矢之所至也亦言其氣枉暴有所災害也

畢沅曰恆星有弧矢象張

弓注矢之形其矢三星微曲亦名枉矢正向天狼星所謂弧矢射天狼也其星在輿鬼之南是有定位不流移者非此所謂枉矢也王啟原曰吳校枉矢上補又曰二字通上流星爲一條又齊魯謂光景爲枉矢刪光字矢字災害下補似矢二字按枉矢漢志及晉書天文志載荆州占俱言類流星不言即流星也蓋流星星流而仍星象枉矢則流時光徑數丈無復星之圓體以其亦流故云類流星也開元占經載枉矢數十事如春秋合誠圖云枉矢者射星也河圖曰枉矢東流天下恐洛書洛罪綴曰枉矢射主以兵去易辨終備曰枉矢流隱合謀國雄逃詩緯曰枉矢流天降喪亂與釋名所言合畢以爲流星之譌固非吳則

妄改不足據

厲疾氣也中人如磨厲傷物也

吳翊寅曰厲疾氣也吳校作厲厲也疾氣下刪也字案說文厲

旱石也疫癘之氣如磨厲之悍故據誼補當從之

疫役也言有鬼行役也

畢沅曰一切經音義引作言有鬼行役役不休也說文疫民皆疾也似役役不

休之訓為得王啟原曰按疫有鬼自昔云然周世之儼即逐疫之意秦漢世則直言逐疫鬼高誘呂氏春秋季冬紀注云前歲一日擊鼓驅疫癘之鬼續漢禮儀志先臘一日大儼謂之逐疫張子凡使十二神追惡凶赫女驅拉女幹節解女肉抽女肺腸女不急去後者為糧東京賦亦備言驅厲之事亦以羣鬼為辭故玉篇直釋疫云癘鬼也漢舊儀顓頊氏有三子生而亡去為疫鬼則疫鬼之傳舊矣

札截也氣傷人如有斷截也

畢沅曰今本札字加广俗也均人云凶札則無力政左昭四年傳民

不天札皆止作札不从广

災裁也

畢沅曰案說文裁从火𦵏聲或从火𦵏文作災則裁災異文同字

火所燒滅之餘曰裁

言其於物如是也

害割也如割削物也

皮錫瑞曰案書大誥天降割于我家釋文割馬本作害禮緇衣君奭曰在昔上帝周

田觀文王之德鄭注古文周田觀文王之德爲割申勸

害王之德周與害篆文相似蓋書本作害而誤爲周也

王啟原曰吳校異者作異言案繁露必仁且知有不常之變者謂之異洪範五行傳非常曰異

異者異於常也

有省省也如病者省瘦也

畢沅曰今本二省字俱作消一切經音義兩引一引作瘠一引作瘡案此書訓詁皆取音相近之字消瘠音與省皆不近瘠亦說文所無春秋莊廿二年春肆大眚公羊傳作省此書言語篇據御覽作省瘦也則此當作省省也章懷注後漢書袁閎傳引謝承書云面貌省瘦正與此合今據改

惡態也有姦態也

王啟原曰春秋昭十七年傳惡未作注惡陰氣也周禮匡人匡邦國而觀其惡注姦偶之

也

妖妖也妖害物也

畢沅曰妖從女旁妖从万旁竝俗字妖當作

也从示笑聲又虫部衣服歌音轉木之怪謂之祲左傳民不天札天字不從万

蠶葉也遇之如物見髮葉也

畢沅曰今本蠶葉字皆作華別也案一切經音義引此文上華字从

虫作蠶下兩華字皆从木作葉說文禽獸蟲蝗之怪謂之蠶又云葉伐木餘也據此二書字義則作蠶葉為是

釋地第二

地底也其體底下載萬物也

畢沅曰今本地下有者字據月令正義莊子釋文爾雅釋文引刪爾

雅釋文引體下有在字御覽地部一引無體字

亦言諦也五土所生

莫不審諦也

畢沅曰審今本作信據御覽引改大司徒以土會之法辨五地之物生五地謂山林川澤丘陵墳衍

原隰也五土所生即五地之物生也爾雅釋文引禮統云地施也諦也應變施化審諦不誤

易謂之坤

畢沅曰說

卦坤為地也又

坤順也上順乾也

畢沅曰易繫辭夫坤天下之至順也彖曰至哉坤元萬物資生

乃順承天蘇輿曰御覽地部一作亦謂之坤坤順乾也以釋天易謂之乾乾健也健行不息也例之今本是

土吐也吐生萬物也

畢沅曰此書以五行列於釋天篇故其篇

之前文雖少一能字非誤也御覽引無萬字蘇輿曰御覽地部二引有萬字

已耕者曰田

畢沅曰鄭康成注尚

書禹貢曰地當陰陽之中能吐生萬物者田填也五稼填滿其

中也畢沅曰五稼齊民要術引作五穀案杜預注左傳莊七年

本諸此御覽引中下有心字俱不從葉德炯曰爾雅釋文引李巡注田陳也謂陳列種穀之處

壤腹也肥腹意也畢沅曰兩腹字今本一作瀼一作瀼瀼字說

人盛諱其肥謂之腹从月襄聲方言凡言盛及其所愛諱其

肥賦謂之腹郭璞注肥腹多肉漢書鄒陽傳壤子王梁代晉灼

引方言以腹為壤知二字義同亦得通用此切證也故並改正王啟原曰吳校作壤瀼也瀼瀼肥濡意也

廣平曰原畢沅曰原元也如元氣廣大也畢沅曰原當作遠原

也與平遠字誼異但經典通用已久仍之王先慎曰春秋繁露重政篇元猶原也二字轉相注

高平曰陸畢沅曰亦本爾雅李巡注爾雅陸漉也水流漉而去

也畢沅曰水御覽引作川案劉淵林注蜀都賦灑漉池而為陸澤引蔡邕曰凝雨曰陸是陸有流漉之誼也

下平曰衍言漫衍也畢沅曰鄭注大司徒亦曰下平曰衍

下溼曰隔

畢沅曰亦本爾雅李巡曰下溼謂土地窳下常沮洳名為隔也

隔蟄也蟄溼意也

王啟

原曰吳校下蟄字重王先慎曰爾雅蟄靜也說文虞氏易注並云蟄藏也均無下溼義蟄當作墊方言說文莊子司馬注並云

墊下也是墊為凡在下之稱書下民昏墊鄭注陷也某傳溺也

土為水溼勢若陷溺是此文當作下溼曰隔隔墊也墊溼意也

後人以墊音疊蟄地聲與隔聲別故改墊為蟄不顧其義

之不通矣說文墊從土執聲執隔音近一切經音義四濕濕墊

也即本此訓從土不從虫

猶見唐以前此字尚不誤

下而有水曰澤言潤澤也

畢沅曰廣韻御覽引無而字

地不生物曰鹵鹵爐也如爐火處也

畢沅曰爐水經注引作鹵今加火旁俗王啟原曰書

禹貢海濱廣斥鄭注斥謂地鹵世本作篇宿沙作煮鹽說文

古者鹵沙初作者煮海鹽煮則用鑪此海鹽也左襄二十五年傳

表濱鹵賈逵注濱鹹也天生曰鹵人生曰鹽鹽在正東方鹵在

正西方也王賁洛都賦東有鹽池玉潔冰鮮不勞煮浹成之自

然晉地太原一名大鹵以其生鹽也河東鹽池不假煮治此賈

所謂天生者他鹽須鑪而成此則不凍治如經鑪成故云如鑪

火處也

徐州貢土五色

畢沅曰出尚書禹貢

色有青黃赤白黑也

畢沅曰今本此字不重據御覽

引土青曰黎似藜草色也

畢沅曰今本藜作黎御覽引作藜說文藜艸也从艸黎聲則作藜為是皮

錫瑞曰案史記作厥土青驪驪亦青黑之色成國據今文與史記意同而字異馬曰黎小疏也古文說不以黎為色土黃

而細密曰埴埴臍也黏昵如脂之臍也

畢沅曰今本臍作臍據莊子馬駝篇釋文引作

臍之食反一切經音義三引一引作臍一引作臍一引作臍臍是也餘皆譌臍字从戠戠亦黏也尚書禹貢曰厥土赤埴埴埴

謂黏土鄭康成注攷工記弓人云機讀如脂膏臍敗之臍臍亦黏也說文作埴云埴脂膏久埴也皮錫瑞曰案今本尚書作埴

據成國所引今文尚書作埴則偽孔蓋從今文尚書釋文云徐

鄭王皆讀曰熾熾赤也與黏土訓異蓋古文說與成國所引今

文義不同蘇輿曰御覽

地部二引無黏昵二字土赤曰鼠肝似鼠肝色也

葉德炯曰莊

汝為鼠肝乎葉石君影宋本釋文引向云似委棄土壤面色按

此言子來之病色疑古本以鼠肝為顏色字如後世羊脂白雞

血赤之類今徐盧二刻面色作而已上無似字此淺人土白曰

刪改孫詒讓曰管子地員篇五弘之狀如鼠肝即此

漂漂輕飛散也

孫詒讓曰漂即周禮草人之輕與先鄭注輕與

輕脆者說文漂漂畏也玉燭寶典引四民月令

云三月可菑沙
白輕土之田
土黑曰廬廬然解散也
皮錫瑞曰說文廬黑剛
尚書作廬成國據今文不從土孫詒讓
曰廬即草人埴廬也先鄭注廬黏疏者
土也鄭注廬疏也古文

釋山第三

山產也產生物也

畢沅曰北堂書鈔初學記爾雅疏皆引作言

石而高象形義似勝此蘇輿曰御

覽地部三引作山產也言產萬物

土山曰阜阜厚也言高厚也

畢沅曰爾雅云大陸曰阜說文

大阜曰陵

畢沅曰爾雅同說文亦云陵大官也陵

隆也體隆高也

畢沅曰陸廣韻引作崇唐時避明皇帝諱也先

字改也陵

林音同

山頂曰冢

畢沅曰爾雅冢腫也言腫起也

王啟原曰說文冢高

地墳晉語韋注墳起也穀梁傳云覆酒於地而地賁范注賁
沸起也又三墳五典漢王政張納碑俱云典賁是墳有賁義冢
亦宜有腫義故廣雅亦云冢腫也

山旁曰陂言陂陁也葉德炯曰說文陂阪也阪下云坡者曰阪
訓一曰澤障一曰山脅也山脅即山旁之異

山脊曰岡畢沅曰爾雅岡亢也在上之言也先謙曰岡亢疊韻說文亢頸也頸於

人身在上廣雅釋詁亢高也極也易亢龍王肅注窮高曰亢後漢梁冀傳注亢上極之名也

山旁隴間曰涌涌猶桶桶狹而長也王先慎曰涌當為甬史記項羽紀穿甬道而輸之粟

甬道長而狹之道也義與此近

山大而高曰嵩畢沅曰爾雅嵩作崧皆非古當作崇嵩竦也亦高稱也畢沅曰嵩字說文未

有新附字中乃有之徐鉉稱韋昭國語注云古通用崇字漢書郊祀志作崧師古曰古崇字案字體小變耳當以崇為正

山小而高曰岑畢沅曰今本脫而字據初學記即岑嶰也嶰嶰覽引補爾雅亦云山小而高岑

然也畢沅曰嶰俗字也當作漸詩小雅漸漸之石毛傳漸漸山石高峻釋文漸士街反然則古通借漸字為之葉德炯曰

唐卷子本玉篇山部引孟子可使高于岑嶰劉熙注岑嶰小山銳頂者也與此義合

山銳而高曰喬

畢沅曰今本作土銳而長曰嶠爾雅銳而高喬初學記御覽皆引作山銳而高曰喬與爾雅合

據改嶠字在說文新附字中其下注云古通用喬然則不當復

加山旁蘇輿曰下云形似橋則此喬字當作橋史記五帝紀葬

橋山正義引爾雅云山銳而高曰橋則爾雅亦有作橋者成國沿之故訓爲橋形也形似橋也

山上大下小曰甌

畢沅曰今本作小山別甌也甌一孔者甌

形孤出處似之也

畢沅曰郭璞注爾雅云甌甌也山形狀似之

甌也二字又按小山別大山鮮郭注不相連詩皇矣傳小山別

大山鮮用雅訓也而公劉傳則云嶽小山別於大山是鮮嶽一

也又爾雅云重甌陳郭注謂山形如累兩甌甌則孫炎所謂甌

山基有重岸者鮮則合二山之大小言者也玉篇及公劉正義

引爾雅甌作嶽是甌嶽又本一義山之疊嶽自有大小之別孫

郭本爾雅既作甌玉篇又自有山嶺曰甌一訓釋名甌甌之說

或所見爾雅亦是重甌陳字既作甌故以甌釋爾雅之鮮也春

秋左定二年傳自小別至于大別小別今在安陸府漢川縣南

北朝謂之甌山於其地立甌山郡爲南北爭戰之地其由小別

而名甌山與釋名義合當時必有取義然則今本殆不誤未可

據御覽所引以改之呂本與今本同吳

校此獨不輕改此其善亦不可沒者

山多小石曰礫

畢沅曰說文礫山多小石也从山敖聲此從石旁作非

礫堯也每石堯堯

獨處而出見也

畢沅曰御覽引無見字蘇輿曰堯堯猶堯堯廣雅釋詁堯堯也白虎通號篇堯猶堯堯也至高

貌之

山多大石曰礧

畢沅曰礧當从山作礧說文

礧學也大石之形

學學然也

畢沅曰然今本誤作形據初學記御覽引改蘇輿曰釋山釋文礧或作礧又作礧礧即學之後起字

山有草木曰岵

畢沅曰詩陟彼岵兮爾雅多草木岵說文岵山有草木曰岵與爾雅異邢疏以為傳寫誤據此則成國所見

爾雅與今本同又與說文今未可據毛傳改爾雅也 岵岵也

人所怙取以為事用也

山無草木曰岵

畢沅曰岵北堂書鈔初學記御覽皆引作岵是因爾雅無草木岵之文而誤也岵字說文所無

岵則誼別說文岵山無草木 岵岵也無所出生也

山上有水曰垺

畢沅曰垺今本譌作垺爾雅山上有水垺據改垺脫也脫而下流也

曰釋山郭注埒多停泉與此下流義不合列子湯問篇壺領正頂有水涌出一源分爲四埒注於山下張堪云山上水流曰埒與釋名義同

石載土曰岨岨臚然也土載石曰崔嵬因形名之也畢沅曰載卽戴古通

用毛詩卷耳傳崔嵬土山之戴石者石山戴土曰岨說文岨石戴土也皆與此合惟爾雅云石戴土謂之崔嵬土戴石爲岨正與此反蓋寫爾雅者誤也王啟原曰岨臚然者言若駟盧也周禮典瑞駟圭璋璧琮琥璜之渠眉注鄭司農云駟外有捷盧也疏云捷盧若鋸牙然石之載土正似之

山東曰朝陽山西曰夕陽隨日所照而名之也畢沅曰卷阿詩云于彼朝陽毛

傳山東曰朝陽公劉詩云度其夕陽毛傳山西曰夕陽爾雅山西曰夕陽孫炎注夕乃見日又曰山東曰朝陽孫炎云朝先見也日也

山下根之受霤處曰𡵓畢沅曰說文𡵓古文𡵓从田从𡵓𡵓田之𡵓也𡵓篆文𡵓从田犬聲𡵓𡵓

也吮得山之肥潤也蘇輿曰書皋陶謨濬畎澮鄭注畎田間溝也𡵓𡵓漢書食貨志顏注𡵓壟也被以人

功所溶自田間言之此以自然所造就山下言之其為溝塹之
構則一今俗亦並呼為剛雷深而土融漸成溝形受滴處土色
光潤形如吮物故云吮
得山之肥潤剛吮雙聲

山中叢木曰林

畢沅曰說文平土有叢木曰林从二木

林森也森森然也

畢沅曰說文森

木多兒从林从木

山足曰麓

畢沅曰毛詩旱麓傳麓山足也周語引詩作旱鹿穀梁僖十四年傳林屬於山為鹿與易即鹿無虞皆以

鹿為麓麓陸也言水流順陸燥也
古通用

山體曰石石格也堅捍格也

畢沅曰捍俗扞字蘇輿曰御覽地部十六引作山體曰石石格格也

堅捍格也格與落同道德經言落落如石義亦通禮學記扞格而不勝鄭注格讀如凍洛之洛扞堅不可入之貌石體堅不可入故
云然小石曰礫
畢沅曰說文礫料也小石相枝柱其間料料然

出內氣也

畢沅曰御覽引無出內氣三字

釋水第四

天下大水四謂之四瀆江河淮濟是也畢沅曰濟當為沛說見下瀆獨也各

獨出其所而入海也畢沅曰爾雅江河淮濟為四瀆四瀆者發原注海者也

江公也諸水流入其中所公共也畢沅曰今本諸作小又無所字據初學記引改增水經注

引作江共也小水流入其中所公共也文選江賦注引作江者公也出物不私故曰公也北堂書鈔引作江者公也小水流入

其中出物不私所以公共也御覽引作江公也小水流入其中所公共也蘇輿曰風俗通江者貢也珍物可貢獻也江公取疊

均江貢取雙聲

淮圍也畢沅曰說文圍守也口同也象同而之形據下圍繞之義字當作口然諸書鮮有用者仍之水經注又作淮章

也漢書成帝紀大風拔甘泉中大木十章呂上師古曰章與圍同是音同亦得相通也圍繞揚州北界東

至海也畢沅曰北堂書鈔引北界上有自字水經注引東至下有于字皆可不從

河下也隨地下處而通流也畢沅曰初學記引作河者下也隨地下流而通也蘇輿曰春秋說題

辭河之為言荷也荷精分布懷陰引度也廣雅河何也聲較近

濟

畢沅曰說文濟水出常山房子贊皇山東入沚然則別是一水非沚水東流所為也據此云濟河而南則實是沚水說文

沚沚也東入于海今經典多通用濟字蘇輿曰水經濟水注引

風俗通云濟出常山房子縣贊皇山蓋以常山之清當四瀆之

濟酈道元已駁之徐鍇說文繫傳云漢書房子縣贊皇山濟水

所出東至慶陶入沚此非四瀆之濟四瀆之濟古皆作沚今人

多亂之辨沚濟二字甚悉漢書地理志河東垣縣禹貢王屋山

在東北沚水所出其前載禹貢導沚水文並作沚字又房子縣

下云贊皇山石濟水所出說文水部濟水出常山房子贊皇山

璚璚以贈駢議志石濟水又云沚沚也東入于海班許二書

其於清沚二字尙存古人之真尙書周禮春秋三傳爾雅史記

風俗通及此書並作清蓋相亂已久春秋說題辭清之為言齊

也齊者度也度者員也風俗通亦云清者齊也齊其度量也義

各別呂覽有始篇河清之間為兗州高注河出其北清經其南

與此**濟也言源出河北濟河而南也**畢沅曰今本無言字據北

合**濟也言源出河北濟河而南也**堂書鈔初學記御覽引增

尙書禹貢曰導沚水東流為濟入于河溢為榮是濟河而南也

川穿也穿地而流也畢沅曰廣韻引作川者穿也說文川貫穿通流水也

山夾水曰澗畢沅曰說文澗山夾水也澗間也言在兩山之間

爾雅山夾水澗在釋山篇

也

畢沅曰藝文類聚引無之字王先慎曰廣雅釋詁澗間也易鴻漸于干釋文云荀爽王肅干作澗注山間澗水也

水正出曰濫泉

畢沅曰爾雅濫泉正出正出涌出也濫銜也如人口有所銜口閭

則見也

畢沅曰當云口閭則歎也乃合涌出之義

縣出曰沃泉

畢沅曰爾雅沃泉縣出縣出下出也水從上下有所灌沃也
蘇輿曰詩曹風

洌彼下泉毛傳泉下流也疏引李巡云水泉從上瀦下出說文沃溉灌也泉瀦高縣從上而下若有所灌溉故云然

側出曰沕泉

畢沅曰爾雅沕泉穴出穴出仄出也案說文厖厖出泉也从厂曷聲讀若軌其沕字則說文引爾雅

曰水醯曰沕今爾雅作水醯曰厖則厖沕二字互易錯用久矣蘇輿曰玉篇仄出曰沕泉與此合說文又云榮側出水也是側

出之水
又名榮 沕軌也流狹而長如車軌也

所出同所歸異曰肥泉

畢沅曰爾雅歸異出同流肥毛詩泉水傳所出同所歸異為肥泉蘇輿曰爾雅

郭注引毛傳云所出同所歸異為肥與此合水經注引健為舍人云水異出流行合同曰肥別一義水經注言美溝水東南注

淇水為肥泉
蓋本此為名 本同出時所浸潤少所歸各枝散而多似肥者也

王啟原曰呂本
肥字俱作泥

水從河出曰雍沛

畢沅曰爾雅水自河出爲滌

言在河岸限內時見雍出則

沛然也

水上出曰涌泉瀆泉竝是也

畢沅曰李巡爾雅注水泉從下上出曰涌泉王啟原曰瀆泉吳校作

泉

水洑出所爲澤曰掌

畢沅曰說文洑水所澤洑也案沛水入河洑出河南爲滎澤茲言掌未聞

水停

處如手掌中也

畢沅曰亭加人旁俗字也御覽引停上有所字

今兗州人謂澤曰掌也

畢沅曰一切經音義兩引皆作兗州人謂澤爲掌言水停處如掌中也王啟原曰水停處如掌中掌坦而易泄則滯水無多如今南方之塘非藪澤之澤也掌即棠之轉音春秋隱三年公矢魚于棠棠漢爲方與縣在兗州部山陽郡今之魚臺縣也棠又爲唐續漢志方與有武唐亭劉昭注引桓二年盟于唐唐棠一地字亦通淮南子主術訓發城決唐注所以蓄水廣雅釋地塘池也漢志會稽錢唐今爲錢塘是塘唐一字列子黃帝篇被髮行歌而游於棠行盧重元注本作塘下水經濟水注引何承天

水草交曰湄

畢沅曰爾雅水草交爲湄李巡注水中有草木交會曰湄案湄或通作縻巧言詩云居河之縻毛傳

水草交謂之縻是假借縻爲湄也

湄眉也臨水如眉臨目也水經川歸之處也

吳翊寅曰吳校作水經川所歸之處曰海并下爲一條案淮南記論訓百川異流皆歸於海今連湄條顯然謬誤王氏引之以此爲至當不易之說當從之

海晦也主承穢濁

畢沅曰初學記引承作引

其色黑而晦也

畢沅曰今本而作如據初學記

御覽引改雖古者如而字通據誼當以而字爲正王啟原曰博物志引尙書考靈曜云海之言昏晦無所睹也白虎通言漬者濁也中國垢濁發源東注海故此言海主承穢濁也

水注谷曰溝

畢沅曰本爾雅

田間之水亦曰溝

畢沅曰攷工記匠人井間廣四尺深四尺謂之

溝溝構也縱橫相交構也

畢沅曰構當作構說文構交積材也象對交之形今加手旁字俗

注溝曰澮

畢沅曰亦本爾雅

澮會也小溝之所聚會也

畢沅曰御覽引無聚字周禮遂

人以澮寫水鄭注澮田尾去水大溝

水中可居者曰洲

畢沅曰亦本爾雅毛詩關雎傳亦云然案說文州从重川俗作州傍加水非

洲聚

也人及鳥獸所聚息之處也

畢沅曰當云州甸也水甸繞其外也鳥獸今本作鳥物據一切經音

義改小洲曰渚

畢沅曰亦本爾雅

渚遮也體高能遮水使從旁回也

畢沅曰御

覽引無使字蘇輿曰渚从者聲遮从庶聲古音同部廣雅渚處也亦疊均爲訓爾雅渚作渚

小渚曰沚

畢沅曰亦

本爾

沚止也小可以止息其上也

畢沅曰兼葭詩云宛在水中沚

小沚曰坻

沅

曰今本坻作沚據御覽引改爾雅小沚曰坻說文坻小渚也从土氏聲兼葭詩云宛在水中坻毛傳坻小渚也與此異者蓋同

是水中之地大小非有定限小渚曰沚則坻爲小沚亦即小渚矣

坻遲也能遏水使流遲也

沅

曰御覽引遏上有小字不從

人所爲之曰湔

畢沅曰亦本爾雅說文水湔中坻人所爲爲湔

湔術也

偃水使鬱術也

畢沅曰今本偃作堰俗字也左氏傳規偃

魚梁

水碓之謂也

畢沅曰謂御覽引作類周禮敝人掌以時敝爲梁鄭仲師注梁水偃也偃水爲關空以笥承其空水

碓者於急流水中偃水爲之設轉輪於其中爲碓以碓米以代舂也魚梁水碓皆人所爲也

海中可居者曰嶼

畢沅曰說文海中往往有山可依止嶼到也

人所奔到也亦言鳥也人物所趣如鳥之下也

畢沅曰今本無人字又趣作赴

據一切經音義引增改

釋丘第五

丘一成曰頓丘

畢沅曰氓詩云至于頓丘毛傳云丘一成爲頓丘爾雅作敦丘

一頓而成無上

下大小之殺也

畢沅曰水經注淇水下引上作高

再成曰陶丘

畢沅曰爾雅同李巡注云再成其形再重也說文陶再成丘也在濟陰从官匄聲夏書曰東出于陶

丘陶丘有堯城堯嘗居之故堯號陶唐氏

於高山上一重作之如陶竈然也

三成曰崑崙丘

畢沅曰爾雅同如崑崙之高而積重也

蘇輿曰水經注引崑崙說云崑

崙之山三級故凡丘三重者爲崑崙丘水經注又言三累山其山層密三成故俗以三累名山三成猶三累矣

前高曰髦丘

畢沅曰詩邶風曰旄丘之葛兮爾雅曰前高旄丘髦與旄古字通

如馬舉頭垂髦

也

中央下曰宛

畢沅曰毛詩宛上傳四方高中中央下曰宛上爾雅宛中宛上又曰上上有上為宛上陳有宛上

李巡孫炎皆以為中央下惟郭璞為異說謂中央隆高非也

有上宛宛如偃器也涇上有一

泉水亦是也

畢沅曰涇當為涇字之誤說文涇山絕坎也或又疑為上字王啟原曰吳校涇作上泉作涇

偏高曰阿

畢沅曰爾雅毛詩載馳傳竝同

阿何也如人儻何物一邊偏高也

畢沅曰儻何今本作擔荷字俗王啟原曰擔吳校作檐

畝上體滿一畝之地也

畢沅曰巷伯詩曰猗于畝上爾雅如畝畝上李巡注謂上如田畝曰畝上

孫炎注云方百步也案司馬法曰步百為畝

圓上其方圓名之也

畢沅曰周禮大司樂有地上之圓上澤中之方上圓上禮天神方上

禮地

銳上曰融

畢沅曰爾雅曰再成銳上曰融上

融明也明陽也凡上銳皆高而

近陽者也

王先慎曰史記楚世家集解引虞翻云融明也詩昭明有融傳融高也說文陽高明也

如乘曰乘

畢沅曰爾雅如乘者乘三案春秋莊十五年公敗宋師于乘三蓋因三以爲地名也漢書地理志乘

上屬泰山郡王啟原曰如乘下吳校補者字

四馬曰乘一基在後似車四列在前似

駕馬車之形也

畢沅曰馬車一本作車馬案此車字疑是衍文

如階者曰階

畢沅曰爾雅如階者階三形似水中之高地隆高而廣也

畢沅曰爾雅如階者階三形似水中之高地隆高而廣也

水潦所止曰泥

畢沅曰爾雅亦云案泥三當作泥三說文泥反頂受水皿也从皿泥省泥亦聲據此當作

泥其止汗水畱不去成泥也

王啟原曰其止吳校作其上

澤中有三曰都

畢沅曰爾雅亦云

言蟲鳥往所都聚也

蘇輿曰廣雅釋詁都聚也

文選西京賦薛注都謂聚會也

當途曰梧

畢沅曰爾雅亦云

梧忤也與人相當忤也

畢沅曰梧本有忤音

道出其右曰畫

畢沅曰爾雅途出其右而還之畫

人尙右凡有指畫皆用右

也

道出其前曰載

畢沅曰爾雅途出其前載古戴載字通見前又見釋姿容篇

在前故載也

畢沅曰據此誼則載讀爲戴王啟原曰吳校載上有言字

道出其後曰昌

畢沅曰爾雅途出其後昌上蘇輿曰此及下營上無義疑奪文

水出其前曰陟

畢沅曰爾雅陟基陟也王啟原曰吳校作如基陟也

言所出

然

水出其後曰阻

畢沅曰爾雅作沮上背水以爲險也

畢沅曰背今本誤作此據誼改王啟

原曰此水吳校作北沮水

水出其右曰沚

畢沅曰爾雅作正上沚止也西方義氣有所制止也

王啟

原曰按呂覽水泉東流東流水之性也古人背陰向陽以南向爲正故以西爲右水出右西流則流不及遠當止也爾雅正當

止之謫阮氏云然

水出其左曰營

畢沅曰爾雅亦云案水經淄水注引爾雅曰水出其前左為營

周本紀集解皆引爾雅曰水出其前而左曰營

左也是今本及爾雅皆脫前而二字

巨高曰陽巨體高近陽也

先謙曰左文十六年傳楚大饑戎伐其西南至于陽

宗巨邑中所宗也

畢沅曰僖十五年左傳曰敗于宗巨先謙曰禮王制至于岱宗疏宗者尊也巨形高大為

一邑所宗故曰宗巨左昭十四年傳楚子使然丹簡上國之兵於宗巨亦一宗巨也

釋道第六

道一達曰道路

畢沅曰自此一達以下至九達皆本爾雅爾雅以附入釋宮篇曰字爾雅皆作謂之其稱號悉

同茲道蹈也路露也言人所踐蹈而露見也

畢沅曰今本無言字據初學記引增

二達曰岐旁

畢沅曰說文跂足多指也則兩岐似當作跂世俗或以跂為企望而以岐為兩岐蓋音同假借也

物兩為岐在邊曰旁此道竝通出似之也

畢沅曰一切經音義兩引一作此道竝之

也一作物兩為岐此道似之皆不從

三達曰劇旁

畢沅曰說文勸務也从力康聲據下用功云云則字當作勸而今皆从刀矣

古者列樹

以表道

王先慎曰周語周制列樹以表道

道有夾溝以通水潦恆見修治此道

旁轉多用功稍劇也

畢沅曰孫炎注爾雅云旁出岐多故曰劇

四達曰衢齊魯間謂四齒杷為權

畢沅曰今本脫間字據廣韻引增說文無權字案當作稟

說文稟菜缶也从木入象形明聲

權杷地則有四處此道似之也

畢沅曰一切經音義引似

之下有因以名焉四字皮錫瑞曰趙德麟侯鯖錄引釋名云齊魯謂四齒杷為躍躍拋地則有四處此道似之因名焉

五達曰康康昌也昌盛也車步併列竝用之言充盛也

蘇輿曰初學記

引孫炎云康樂也交會樂道也義與此近

六達曰莊莊衰也衰其上使高也

王啟原曰漢明帝諱莊後漢書中凡言辨衰皆為辨嚴裝

莊通故也吳校云當有誤蘇輿曰初學記引孫炎云莊盛也道煩盛與此義別

七達曰劇驂驂馬有四耳今此道有七比於劇也畢沅曰於疑當作之初學

記比之方驂劇王啟原曰比於劇也吳校劇上補驂字按二馬爲驂四馬爲駟故詩采芣云載驂載駟秦策魏桓子驂乘高誘注三人共載曰驂亦曰參乘是言驂多取義於三也今此云驂馬有四者詩小戎駟驂是中駟驂是驂箋中中服也驂兩駢也正義車駕四馬在內兩馬謂之服在外兩馬謂之駢春秋時鄭公子駢字子駟是有駢乃成駟也以兩駢之驂言之則驂有四馬之義合三馬本義則驂義一爲三一爲四合則爲七也比於劇者郭注爾雅劇驂云今北海劇縣有此道齊滅紀其國都春秋時爲齊之劇邑見晏子春秋此言比於劇縣之道也

八達曰崇期崇充也畢沅曰爾雅釋詁崇充也道多所通人充滿其上如共

期也王啟原曰崇者重也禮記明堂位殷之崇牙注崇重也爾雅釋詁崇重也本書釋天四時四方各一時時期也此期

義取四期而重之爲八故入達爲崇期亦備一義

九達曰達畢沅曰說文煇九達道也似龜背齊魯謂道多爲達

師此形然也

王啟原曰達師吳校作達市

城下道曰隲

畢沅曰隲俗字也初學記引作豪王啟原曰按文選魏都賦豪微互經注豪微道也豪當為城下道

如釋名所說也漢晉冠蓋於都邑餞送多於城門漢二疏致仕羣公送於東都門龐統還南顧陸等並會呂門古人行必祖道

故餞送期於城下孫楚征西官屬送於隲 隲朝也言都邑之內人

所朝朝祖駕之處也

畢沅曰今本無言字據初學記御覽引增又無人所二字據一切經音義引增

步所用道曰蹊蹊侯也言射疾則用之故還侯於正道也

畢沅曰今

本侯作係無言字據初學記引增改射疾者射侯也侯與疾形相似秋官大行人諸侯之禮朝位賓主之間七十步立當前疾

詩蓼蕭傳引作前侯大射儀司馬命量人量侯道與所設之以

狸步即此所云步所用道也孫詒讓曰畢說大繆周禮野廬氏

禁野之橫行徑蹊者鄭注徑蹊射邪趨疾越渠隄也此云射疾即謂射邪趨疾蓋蹊非常行之涂惟趨射急疾乃用之耳云步

所同者亦明蹊

阮不容牛馬也

徑經也人所經由也

蘇輿曰徑古讀如經本書釋典藝經徑也互相訓

鹿兔之道曰亢

畢沅曰亢當作迳說文迳獸迹也蘇輿曰淮南地形訓高注常山人謂伯爲亢說文趙魏謂伯

爲亢亢與迳通亦與迳通不必定改爲迳伯卽陌字廣雅迳道也爾雅釋獸疏引字林云迳兔道也

行不由正亢

陌山谷草野而過也

畢沅曰陌字說文所無蓋古通用百左傳云距躍三百

涂度也人所由得通度也

畢沅曰初學記引人作言

釋名疏證補卷第一